

Tesaronakaahiyaapî Utîpîho

Kapîho

Kimandî 2

Tesaronakaahiyaapî

Utîpîmandapî Nesîpîhande

Tesaronakaahiyaapî utîpîho jîho Porîho jîpatîpiyatî nusoasataise. Nusoasatosatî otîhî masîwonjî bimainjatî amî kînaungwîha naasîketî amî utîpîho wo ipotîho nusoasataise. Kiya satîwî Awaisîho aimî japîhî napise, tîwî katîwî yayauhî kandapî ko utîpîho japîhî wo jîpatîpiyahore. Jîpatîpiyatî biyatî nusesîpatî Awaisîho japîhî nasonîhura sapa siyatî noaipatî saimatîtaise, undatî kaundatî jîpatîpiyahore.

2 Tesaronakaahiyaapî Utîpîho Napîmasataise
 Porîho isîhiyai ipîhîrete undisîha (1:1-2)

Nyahî nahatiyaanî Awaisîhomî ambîpatapî
 naanjîhandî ambîpatî yaasîhandî
 nehaawaahî sandîhî gaare undisîha (1:3-12)

Autaahaatîhomî Itîpîho Gaaho kîmaapî
 yapîmbataapîhî ahotisîhoai nemaitaise.
 Nemahonîhî sura ipotî Bwaasîrîhîramî
 watîpîhandî auta noaipaitaise. Saiwa siyatî
 sanotî owetanîhî Awaisîho japîhî napîtaise
 tîsîha (2:1-17)

Autaahaatîhopî gîwunyaahohiyîhiyaamî gaa-
 haiwa kiyohîwaiwa napotî owemetatî kai-
 waanîhî ahotîmî none undisîha (3:1-15)

Porihō piwihā owematī kiyai ipihirete
undisiha (3:16-18)

*Asisihā Autaahaatihō Isihiyai Neti Tipitapaati
Usondandihā Ipotinihi Noaipaitaise*

¹ Nyahi Porihoninithi Sairaasiyi
Timoteyaatihī utipimandi kimandi sahi
Kiraisihomī isihiyaati aunahipati awaipati
Tesaronaikaahanda bimohiyihiyaatapi
jipatihiyaati nusoaasihaayo. Sahi
Kiraisihopi gwunyaahohiyihiyaati sami
gwunyaahohitihanda noaipati Autaa-
haatihō nyami Apihōaisawuni, ami
nyami Awaisihō Jisasi Kiraisihōaisawuni
tīmaamaitohiyihiyaatapo. ² Autaahaatihō
nyami Apihouni ami nyami Awaisihō Jisasi
Kiraisihouni sangi gaahati kasimi jatatamanimi
sami maarihō nepi yatihisipi napaisaatisamapi
jainjatitaatimi nyahi sapi gaapundihaato.

*Tesaronaikaahiya Naanihaiwa Nu-
soaipasihura Andititwi Bitophiyaare*

³ Naisihiyaati nyamataiwi Kiraisihopi
gwunyaahohiyihiyaate, nyahi sapi gisun-
yaawaati, ami sapi nasisoari Autaahaatihōai,
'kiniyi gaahōne gaare,' undihaato. Ami
sandihī nyami titihī otipipatisi apipaahi gaare
nyahi sapi kaitihaawe. Ami sahi Kiraisihopi
gwunyaahohitihandi noaipati watipitati
ami sahi ninaasiyaatihī sami naisihya usa
samataiwi Kiraisihopi gwunyaahohiyihiyai
maarihō baiwi jinjapihī nunyauhi ami
sandi kandi maarihō nunyohitihandi

waati awaindemapi kaimi niyauho. ⁴ Sahi siyohitimandi kimikandapi nyahi yawanaan sapi maaritaati nimaatohaayo. Iyaati ami nyahi Autaahaatihomi ishiya Kiraisihopi giwunyaahohiyihiyaamihatih nowaati kiyai kaundaati sami ambipati nasimaawaati awaindewaasamohaayo. Sangi ishiya sami tiworisa yaasihaiwa maipihaiwa kasisauhi ami kaiwa yaasihaiwa kiyatinihi nepi nowaaheti keti sahi Kiraisihopi giwunyaahohitihandi andititwi isiwatwi kiyatinihi kopu taawi giwunyaahauhi kandapi kaundohaato.

*Autaahaatihohi Nyangi Titihohi Gaahireti
Tipitapaati Nyasonahore*

⁵ Saiwa sangi taati nasoaipasiwimaiwaaraahi Autaahaatihohi nyangi siyati neti nanyinjataise, ko titihohi gaahosi gaahati kiyati ami nyangi titihohi gaahireti neti tipitapaati nyasonataise. Iyati ami saiwa sangi sami ambipati maariho yaasihaiwa sangi tiworisa nasanyauhi taawi nehohiwiwa neti siyati ausaimanati sangi nasisataise, ami ko Autaahaatihohi neti sangi komihiyaatesamati ami ko noapatu sami Awaisiho Jihotati, ami ko apipaahiyaati kiyatangisinihi jinjapihi jainjatitando. ⁶ Ko titihohi gaahosi Autaahaatihohi titihohi gaahati siyati kaitaise. Ishiye sangi yaasati naanjihaiwa nasanyawi nasopisasihiyehiyai yaawihaiwa numwataise. ⁷ Iyati sahi yaasihaiwa ishiye nasanyauhi taawi nehohiyehiyaatangi yaasiwaiwa nesamati ikindaatiwihandi nasamataise. Iyati ami nyangisangi maawi ahoyati ikindihahandi

ko nanyam+taise. Sandi Autaahaat+ho kaitaise
nyangi nyainjatis+ho Awais+ho Jisaasihoai neti
ausaiman+hon+hi, ami ko komi ot+ipatihiya
yam+hapataat+hap+hiya wat+ip+hiyaisati
sis+ha tihwit+hi+r+ paan+haataat+hi
yam+hapataat+hi+raapi nason+ihuraaro.

⁸ Ko is+hiya Autaahaat+hopi mmon+w+
g+wunyaitaat+w+ poundih+ pohipaiwi, ami
nyami Awais+ho Jisaasihop+ha p+w+ha
gaaha wan+ha minjapepih+r+w+ ami kaami
ot+t+hi p+inamaayohiy+hiyai wihooan+haiwa
waati yaaw+haiwa numw+taise. ⁹ Nyami

Awais+ho Jisaasiho komi nd+maahomwaan+
nausainj+t+handi, ami komi yundanyi+ha
wat+ip+haiwaap+hap+kiyai nawisatemati kiyaami
maip+haiwaapi maip+handi wihooan+handi
kiyai numw+taise. Iyon+hi kiya windi
ik+maan+w+ kiyaan+hi yaaw+handi naitaapo.

¹⁰ Autaahaat+ho saiwa siyati kiyon+hi
noaipaitaise, nyami Awais+ho Jisaasiho nyahi
komi is+hiyaan+n+ g+wunyaahohiy+hiyaan+n+
nyahi tit+hi ko sawahom+hiyaanimat+t+haawi
Autaahaat+ho nanyam+hainjaw+hiyaan+n+
koai amb+pati awaipati numwisaihi naitandi
nason+hura sangi maaw+ kat+hi+t+w+, ami
Jisaasihoai sahi amb+pati awaipati numw+taapo.

*Por+houni Komi Naisururun+ Autaahaat+ho
Tesaronaikaahiyai And+it+w+it+and+ Kiyaa+ Gaa-
pundawaayopo*

¹¹ Ami saiwa siyati sangi nasoaipaitandaiwai-
waapi gw+nyaahaaw+ nyahi gaapund+haahura

sapɪ nyahɪ nasisoaarɪ kiyaanɪnɪhɪ sangi Autaa-
 haatɪho andɪtɪsɪwɪtandɪ koai pɪwaundaatɪ gaa-
 pundɪhaato. Amɪ sahɪ wapa gaahapa Au-
 taahaatɪho maaritatɪ gwɪnyaasɪpɪpa kaitaatɪwɪ
 gaatatɪ nasamaasɪpɪpa sahɪ nga kaitaatɪwɪ ko
 sangi netɪ watɪpɪsamatɪ gaasamaitandɪ nyahɪ na-
 sisoaarɪ sapɪ koai nunjenaatɪ pɪwaundɪhaato. Iy-
 ataatɪ amɪ sahɪ Jisaasihopɪ gwɪwunyaahohɪtɪhandɪ
 netɪ sangi gaasamatɪ andɪtisaihohɪhɪ amɪ sahɪ
 gaahapa kaitaatɪwɪ Autaahaatɪho maaritɪhɪ amɪ
 sahɪ sawanaatangisangi kaitaatɪwɪ gwɪnyaapɪ
 maaritohɪpɪpa kapa tɪtɪhɪ kaitaatɪwɪ sapɪ Autaa-
 haatɪhoai nyahɪ, 'kɪnyɪ gaahone gaare,' undaatɪ
 pɪwaundaatɪ gaapundɪhaayo. ¹² Amɪ sahɪ sandɪ
 saisaihɪ sapimatonɪhɪ isɪhiya nahatiya nyamɪ
 Awaisɪho Jisasɪ Kɪraisihohai nɪwimaapɪ ambɪpatɪ
 awaipatɪ numwisaihɪ, amɪ ko nyamɪ Awaisɪho
 Kɪraisihounɪ amɪ isɪhiya nahatiyaunɪ sangi mepɪ
 autaahepɪsamapɪ nga baiwɪ jasonɪwɪ jainjaito.
 Amɪ Autaahaatɪhounɪ amɪ nyamɪ Awaisɪho Jisasɪ
 Kɪraisihounɪ sahɪ wapa gaahapa wɪndɪ kamaiwɪ
 nehɪhandɪ sangi gaahatɪ kasirɪhɪretapɪ saiwa
 sangi nasoaipa sasimatɪtaise.

2

*Utaaho Wɪnɪhapɪpa Nematɪ Wɪnɪhapɪpaapɪ
 Pohipiyaho Noaipaitaise*

¹ Nyamɪ naisɪhiyaatɪ nyamataiwɪ Kɪraisihopɪ
 gwɪwunyaahohiyɪhiyaate, nyamɪ Awaisɪho nyahɪ
 kopɪ gwɪwunyaahohɪho japɪhɪ nasonɪhura
 Autaahaatɪho nyangi netɪ ahonyisonɪhɪ, amɪ

nyahi koaisaati nutanaati niwipaawaati iwinjaitihaahuraapi nyahi sangi kasatitahaawiyoni sahi atihiri mwitipisawi atiwise. ² Sura asisaha Awaisihoaisaati nyahi nutanaati iwinjaitihaahuraapi sangi ishiya usa sasatiwi, Awaisiho asisaha napitandaha aimi noaipase, tiwi kasatawaayondiho? Iyati ami utaaho woi Autaahaatihomi Itipho Gaaho piwaha sataha kaundihiko atisati neti ausaataindihiko? Ami ishiya usa piwaha ausaawaahiya sa piwa katawaatondihiko? Iyati ami ishiya usa nyapi satiwi, Porihoisawahiya aposerhiya piwaha satiwaha utipihoaatihijipatipiyopo, tiwi kasatawaatondihiko? Sahi piwaha siyahaiwa nyami Awaisiho Jisasi Kiraisiho japihi napitandaha asisahaapi ka aimi noaipase, tiwaha atisawaahandi kandi sahi keti yaiwi sami maarho omanjitihi, ami sami amitha jandoti yaiwimapi mimaipimaasimatane. Tithi sami maarho gaatati ami amitha jainjapwaatonhi gwinyaapise. ³ Sahi woi nehi nanihaiwi iwinjasaihi ko piwaha katati ami ko wapa kiyati daayati bitosiwaiwaara sangi windi jaipimaasatane. Sahi atiwi ami gwinyaapise. Sa Asisaha nehi keti windi namoaipaitaise. Owe. Ami jihinihi ishiya taahiyhiya apipaahi awaindihandi Autaahaatihopi pohipaiwi komi winihapi pa nemapi, ami apipaahi awaindihandi maati maatiwi woretitiwi ami iwiritapo. Saisaihi ami utaaho apipaahi maipho maipihaiwa asakiyati pihitati kaitandihonoaipaitaise. Ko winihapi paapi apipaahi

poundati pohipiyaho Awaisiho Jisaasiho nasataahura Autaahaatihokoai neti sisahaapihi tihaitaise. ⁴ Ko siyati noipati nahataapa ishiya nepi kiyaami autaahaatihomapitotipiwesawi kapaapi gwinyaapi gaapundiwi, ami sapa nyami autaahaatihoe, tohipipaapi pohipiyati manditipaitaise. Ko siyati sawaho neti autaahi naimaatati jhimatati sapa nahataapai neti yatihiwati ipihatitaise. Iyati ami ko Autaahaatihomi anan awaindihandaatihinandaati bindataati ami ko sawahopi satati, 'Nini Autaahaatihonine,' tati katitaise. ⁵ Sahi gwinyaitaapo. Nini sangisati maasi jhi Tesaronaikaahanda bimohura kimikaiwaapi sangi nini aima kasato. ⁶ Iyataahandi kandi ami windi yahandi wani taati niwisapuwati ipatisataise, ami ko Uta Maipo wani namoipaitando. Ami sandi taati niwisapusitindapaahi sahi aima mmoniwi gisunyaatahiyaate. Iyataati ami utaaso so api paahi maipo keti windi noipati amusaimaninati noti asisaha akurura Autaahaatihonamihainjiheti koai Autaahaatihoneti ausaimanitaise. Ausaimanihonihiko ami auta noaipaitaise. ⁷ Ami nyahihisaiwa utaaho maipihomi api paahi maipiwa noasandiwaiwa ami kaiwa Autaahaatihoneti autemati nyangi nanyisihimmonihaayo. Ami ishiya taahiyhiya maipihandi taawiwani kiyawaayopo. ⁸ Ami Autaahaatihonetaaso niwisapusoai nawisatemahonihuraahihiso uta maipo koai Autaahaatihonetaaso neti ausaimanihonihiko ami auta noaipaitaise.

Iyonihĩ ami Awaisiho Jisaasiho nasataahura komi maarĩhomĩ ditihiĩri mbĩpaara so uta apĩpaahi maipo Autaahaatĩhomĩ winĩhapĩpa nemati amĩ maatĩmaatĩhiramĩ tanyaaho sapoai tiwamaitaise. Awaisiho komĩ nausainjĩtihandĩ apĩpaahi watĩpĩhandĩ awaindĩhandisa auta noaipati so uta maipo winĩhapĩpa nemasoai netĩ apĩpaahi daahi koaisĩnĩhĩ nopĩsasamati komĩ watĩpĩhandĩ netĩ owemaitaise. Iyati koai netĩ sisĩhaapĩhi yotĩtaise. ⁹ Iyataati amĩ so uta maipo winĩhapĩpa nemaitando auta ausaimanĩndandĩndĩ sandĩ Bwaasĩrihiĩri kĩramĩ watĩpĩhandĩ otĩpĩpati waati kaindĩhandĩ noaipaitaise. Amĩ Bwaasĩrihiĩri so uta maipoai watĩpĩhandĩ numwĩtaise. Nunyonĩhĩ Bwaasĩrihiĩramĩ jaipĩpaara siwipati watĩpĩhaiwa nahatewa kĩhaiwa kĩhaiwa kiyati, amĩ watĩpĩhaiwa otĩpĩpati kĩhati kĩhati kaitaise. ¹⁰ Iyati amĩ ko jaipĩpa nahataapa kahatamatĩpetĩhapa isihiya mmondaatiwĩ kaiwaiwaara isihiya nepĩ nopĩsasanĩwĩ owetiataatiwĩhĩra taawi niyohiyĩhiyai jaipundĩtaise. Iyonĩhĩ amĩ isihiya nepĩ nopĩsasĩnĩwĩ kiya owetiataapo, amĩ Autaahaatĩho komĩ piwĩha akitiha kiya ka atiwi gwĩwunyaasahi, amĩ kiyai nga ko japĩhi numwaitotati kaundihĩ amĩ kiya ka piwa atĩhomiwĩ, amĩ kaapi kiyai apĩpaahi poundihĩ pohĩpiyowo. ¹¹ Iyauhi amĩ sandĩ kandapi Autaahaatĩho isiya siyaamĩ amĩtiha amĩ omanĩtitihi netĩ nusopĩsasataise, amĩ kiya jaipĩpaapi gwĩnyaitaatiwo. ¹² Isi amĩ saiwĩ isihiya nahatiya Autaahaatĩhomĩ piwĩha

akit̄iha nyam̄ Awais̄ho Jisasī K̄raisihop̄iha kiya
wind̄i ḡimunyaap̄i, am̄ neh̄i maip̄ihaiwaah̄ih̄i
maarit̄iw̄i kiyohiȳihiyai Autaahaat̄iho
saundat̄i, sah̄i ap̄ipaah̄i maip̄ihiyaatis̄i
sam̄i maip̄ihaiwaap̄i p̄iw̄iha nep̄ise, undat̄i
p̄iw̄iha net̄i kiyaam̄ihet̄i yawutaitand̄i sand̄i
Autaahaat̄iho sawaho kiyataise.

*Autaahaat̄iho Sangi Jap̄ih̄i Nasamaitand̄i Aim̄i
Nasam̄ihainj̄ihiyaate*

¹³ Nyah̄i nasisoarī Autaahaat̄ihoai gaare,
undat̄i p̄iwaund̄ihaato, sah̄i nyam̄i nais̄ihiyaat̄i
nyamataiw̄i K̄raisihop̄i ḡiwunyaahohiȳihiyat̄i
am̄i Awais̄ho maar̄iho sangi ap̄ipaah̄i
awaind̄ihand̄i nasamisaw̄ihiyaatapo. Am̄i
sand̄i apaap̄i maah̄e, Autaahaat̄iho is̄ihiya
j̄ihap̄ihiyai namasat̄i numwaasaw̄ihiyaam̄i
ot̄ihat̄ihap̄i namasat̄i j̄ihiyaatangi nasamaitand̄i
yand̄ihesamat̄i t̄it̄ih̄i sawahop̄ihiyaatangi
nasam̄ihainj̄ihiyaat̄itihe. Iyat̄i am̄i It̄ip̄iho
Gaaho sangi net̄i neh̄i t̄it̄ih̄i Autaahaat̄ihom̄i
is̄ihiyaatesamas̄ih̄i, am̄i sah̄i kom̄i p̄iw̄iha
akit̄iha Jisaasihop̄iha at̄iw̄iw̄i am̄i kaap̄i
sah̄i baiw̄i ḡiwunyaawaayopo. Sand̄i
sah̄i p̄iw̄iha ak̄it̄iha wan̄iha gaahaap̄i
ḡiwunyaahoh̄it̄ihandaah̄i sangi Autaa-
haat̄iho nasamaataise. ¹⁴ Autaahaat̄iho
gaatih̄i sah̄i koenda nasauh̄i ko sangi
nasamaat̄i nasam̄ihanat̄i yand̄ih̄i ko
sawahom̄ihiyaatesamas̄ih̄i sah̄i kop̄i
ḡiwunyaawaayopo. Iyat̄i sah̄i nyam̄i
Awais̄ho Jisasī K̄raisihom̄i ap̄ipaah̄i
gaahand̄i nausainj̄it̄ihandaat̄ihuni, am̄i

watipihandaatihuni Jisaasihoaisaw
 bimitaatwo. Iyati nyahi pwiha gaaha
 waniha ausaahohihami akaaha akithaara
 sahi koenda napitaatiwi Autaahaathiho sangi
 nasisenati gaasatihhiyaate. ¹⁵ Isi ami
 nyami naisihiyaati nyamataiwi Kraisihopi
 aimi gwunyaahohiyhiyaate, sahi andititwi
 bitosawise. Bitopi ami Autaahaathomi pwiha
 nahata nyahi pwihaaraahuni ami utipho
 jipatipiyohihaapuni katawaasasohiha sahi
 anitiwi isiwatwise. Aiji windi namaamapi
 kaapi gwinyaapise. ¹⁶ Nyahi nyami Awaisiho
 Jisasi Kraisihoisuni ami Autaahaathiho
 Apihoisuni piwaundaati gaapundihaayo.
 So nyami Awaisiho Jisasi Kraisisouni ami
 Autaahaathiho nyami Apihouni nyangi maarho
 nanyinyamaise. Iyataati ami nyahi gaahapa
 wapa kamaayaati nehhandi Autaahaathiho
 gaahati kanyindihanda nyahi wapaapi w
 yamaitihaawi nyangi anditinyaisihi, ami ko
 nyangi ipotihandi gaahati kanyitandihuraapi
 nyahi jathaaayo. ¹⁷ Ami so nyami Awaisiho
 Jisasi Kraisihouni ami Autaahaathiho nyami
 Apihouni maarho nyangi nanyinyamaise. Ami
 ko sami maarho neti anditisiawati ami neti
 watipisamahonhi ami sahi pwiha gaaha
 piwaatiwi, ami gaahapa nahataapa sahi nga
 katitaatiwo.

3

*Sahi Autaahaathopi Gaapundiwise Ami Ko
 Nyangi Anditinyaiwitando*

¹ Nyami naisihiyaati nyamataiwi Kiraishopigiwunyaahohiyihiyaate, piwaha wiwa sangi kamaasatohiwaiwa wani sangi nyahi kasatitahaawiyo. Iyataati piwaha ka siyate. Sahi nyapi gaapundwise, nyahi piwaha Awaisiho Kiraishopaha ausaahohiha sahi kiyohipatamataiwi ishiya taahiyihiya kaapi maaritwi nepi, ami kai nepi autaahi isiwatwi ami kiya keti tariwaiwi atiwi nepi, ami anitiwi isiwatwi ami kiya kaapi gwinyaito. ² Ami nyapimaawi gaapundwise, Autaahaatho ishiya apipaahi maipihya maati maatiwihyaami ikwiraatihapi nyangi tinjaati japihi nanyamaito, ami ishiya nahatiya windi Kiraisihopuni ami piwaha kopaha (nyahi ausaahohihaapi) windi atiwi nepi gimaawunyaahowo.

³ Ami sahihi sami maarho ami ambipati Awaisihomiheti nausawi koai iwinjatiwise, sangi ko anditisiwati ami matoaatipatamatiyati sangi neti nasapopihonihi Uta Maipho Bwaasirihiri, sangi wapa kasisati ami sangi windi neti namaasopisasito. ⁴ Ami Awaisiho nyangi ginyunyaasih nyahi sap siyaati gwinyaahaayo, nyahi piwaha watipitaati sangi kasatohiwaiwa sahi wani taawi nga kaiwi ami ipoti ipotisangi sikaiwi sahi nga kaitauho. ⁵ Nyahi sapi gaapundihaayo nyami Awaisiho Jisaasiho sangi titihesamati neti gisunyaahonihi, ami Autaahaatho sahi ishiyai maarho numwitaatiwi sangi nasamisihopi bapaiwi nga awaindihandi mmoniwi gisunyaatitando. Iyati ami Jisaasiho sangi jatatamanati neti

anditisaionihī, ami sahi kiyaatinihī andititiwī
bitopī ami ko napitandihuraapi jatitaatiwo.

*Isihiya Nahatiya Otīpīpati Kiya Itata-
manīndaatiwīhatī Kaitaatiwe*

⁶ Nyami naisihiyaati nyamataiwi Kīraisihopī
gīwunyaahohiyīhiyaate, nyami Awaisīho Jisasi
Kīraisiho watīpīhandī nanyamindīhanda nyahī
sangi watīpītaati sasatīhaato, sami naisihiya
Kīraisihomīhiya usa kiyaami ikwauhirī ipesawī
wipī gwaapwīwī bimohiyīhiyaapi sangi yandīhī
nawīsawī bitosawīse. Isihiya siya nyahī pīwīha
wīnīhapīpa kasatohīrīhīretī minjapēpīhīrīwī
nehī wīretī bitohohiyīhiyaapīto. ⁷ Ami

nyahī kīma pīwīma watīpīha kasatīhaato
nyahī samīhatīhī sangisaati bimohura nyami
ikwauhirī ipesawa wiwa gwaapowaati
bindīhaamaayo. ⁸ Nyahī wīndī samaayo.

Nyahī nandapa usaami wīndī nehī newaati
nanīhaamaayo. Nawīho nunya newa nanīhaayo.
Ami nyahī nyami ikwauhirī mbawaati nesīpawa
ikwīsamanaati daayaati otapīhaatunī ami
apatīhunī akītinīhī otīpīpati waati dipīpatisaati
kiyahaayo ami sangi pohīrīsisaaati naanīhandī
namaasamītīhaawo. ⁹ Nyahī siyaati kiyohītīndī
ami sahi nyangi wapa nyatatamanītaatiwīhandī
owetihīmahe. Owe. Ami sahi nyahī

kiyohīrīhīretī mmonīwī nepī nyamataiwi
kaitaatiwī nyahī sandī kiyahaayo. Iyaati sahi
nandapa wapa nyangi andītīnyaiwītandīhapa
nanyamītaatiwī nyahī nga sangi nasīsendīhatī
katī ami sandī wīndī nyahī kamaitīhaawī
gwīnyaahaawe. Ami nyahī sangi nasīsisaihi

nyahi kiyohirihiireti sahi nyamataiwi kaitaatwi nasisihaawwi nyahi sandi kiyahaayo. ¹⁰ Sahi sawanaati mmonwi ami gisunyaatitaise. Nyahi sangisaati maasi bimohura piwaha wa sataaha nyahi kasato. Ami utaaho wo pohipiyati ko itatamaninati bimitandihandapi otipipati ko windi kamaayataataahi ami so ko nandapa windi namaanane, sataati kasato. ¹¹ Nyahi sandi sangi sata kasatohitimandi apaapimaasato, ami sapihhi samhatihhi ishiya usa kiyaami ikwauhiri ipesawi wipi nasihasinwi otipipati windi kamaiwi pohipaiwi nehi bimopo, tauhi nyahi piwaha atishihaawito. Saiwi kiya ishiya usaapi ami kiyaametirihiretapi nehi piwahaahihhi kiyaami otipipatamataiwi nesi kihapihhi kihapihhipi kanwi bimopo, tauhi nyahi atishihaawito. ¹² Awaisiho watipihandi nanyamindihanda nyahi watipitaati ishiya siyaisi sata kaundahaato. Sahi yatihitwi bipi napaisaati bindawa nandapa ami wapa wapa sangi jatatamanonihhi bimitaatiwihapaapi otipipati mwitipisawi kaiwise, undaati piwaha watipiha kaundahaato. ¹³ Ami sahihi nyami naishiyaati nyamataiwi Kiraisihopi giwunyaahohiyihiyaate, sahi titihhi gaahaiwaahihhi kaitaatwihandapi windi pohipimaiwise. ¹⁴ Sapihhi ami ishiya usa nyahi sangi kimandi utipimandaatihhi winihapipa winihisataati piwaha kasatohiwimaiwa windi atihomiwi minjapepihirisaihaahhi siyai sahi mwitipisawi usonwi usitaiwise. Aiwi sahi kiyaapi nawisawitwise. Ami sretapi kiyai kiyaami kiyohiwiwaapi sawanai mawitando.

15 Ami siyawaahandi kandi sahi kiyai sami tiworisa sangi manditisisohiyihiyaamataiw+ mauson+iw+ise. Sandi w+indi sahi kamaiw+ namap+ neh+ saundiw+, sahi saiwa w+indi kamaiw+ise. Namap+ise und+iw+ sami nais+hiya K+raisihop+ g+wunyaahohiy+hiyai kawisoh+r+h+reti kawiw+ise.

P+waahonya Kimonya Ipot+honyaare

16 Nyah+ sapi siyaati gaapundihaayo, ami sangi nyami Awais+ho Jisasi K+raisiho sawaho sami maar+ho amb+pati net+ nahataapaat+hi yat+hesama wisaiw+itanda. Isi ko sangisat+itane. 17 Kimonya p+waamonya nini Por+hon+ni sangi, gaahuraare sat+ti nini niwahonisi ikwira pen+handi nisi ut+p+ho j+pat+p+nis+hom+ ikwiraat+hap+ net+ j+pat+piyataayo. Iyataati k+m+reti k+maindi nahatewa nisi ut+p+haiwaat+hi p+w+ha as+ti+put+ha j+pat+piyataayo. 18 Nini sapi sandi gaapundataayo: Nyami Awais+ho Jisasi K+raisiho sahi wapa gaahapa w+indi kamaiw+ neh+handi koaisunyaat+ sahi nahatiyaatangi gaahandi kasisane, ndi nini Por+hon+ni gaapundataayo. Akite!

Autahaatihomi Piwaha Gaaha Wanaha
The New Testament in the Angaataha language of
Papua New Guinea
Nupela Testamen long tokples Angaataha long Niugini
copyright © 2004 Wycliffe Bible Translators, Inc.

Language: Angaataha

Translation by: PNG Bible Translation Association

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-17

PDF generated using Haiola and XeLaTeX on 11 Nov 2022 from source files dated 9 Oct 2020

b83b4d2c-30be-5f11-8fb0-fa04e4808bad